

[Augsburg], 15. Februar 1573

An Hugo Blotius

ÖNB Wien, Cod. 9737^Z, Kassette I (Nr. 14), fol. 241r.

S. Petrus Rosinus me non conuenit. Semina, cum praeter caemiterium, hortos nulos habeam, Io[annis] Bapt[istae] Hainzelij uxori tuo nomine dono dedi: quae unā mecum tibi gratias agit. Superiore mense D. Tennio tradidi cum literis Cornelij Valerij 2 grammaticas, 2 rhetoricas, 2 physica, 2. scholas Fabricianas, 1 Martyrem in Ethica. qui conficiunt florinos nostrates 2. + 6. Heri Balduinum de historia, Foxium de historia et regno, qui libelli aestimantur + 56. Cum autem 2. Italici coronati apud nos f 3 + 4 valeant, supersunt, mihi 2 cruciferi. E nondinis expecto Cornelij Valerij 2 dialecticas. 2 Ethica 2. sphaeras. quae fortasse 10 aut 12 pazijs constabunt. Si quid praeterea voles, Wolfio tuo ἀφειδῶς χρῶ. Sed moram, quae intercesserit, non mihi, sed mercatoribus imputabis. Benevolentiam erga se tuam Scheurlinus mihi praedicat: quo nomine humanitati tuae gratiam habeo. Vale. 15 Cal[endas] Martias Anno 1573.

Hiero[nymus] Wolfius
Tuus.